

الغربة نضالُ

بلا سجون ولا قمع

سهام عبد الرزاق الجابري

الكتاب : الغربية نضالاً بلا سجون ولا قمع (شعر)

المؤلف : سهام عبد الرزاق الجابري

الطبعة الأولى : القاهرة ٢٠١٧

رقم الإيداع : ٩٠٥٥ / ٢٠١٧

الترقيم الدولي : 3 - 279 - 493 - 977 - 978 : I.S.B.N

الناشر

شمس للنشر والإعلام

٢٧ ش الثلاثين. برج الشانزليزيه. زهراء المعادي. القاهرة

☐ فاكس : ٢٧٢٢٨٠٠٤ (٠٢) ، ٠١٢٨٨٨٩٠٠٦٥ (٠٢)

www.shams-group.net

☐ حقوق الطبع والنشر محفوظة

لا يسمح بطبع أو نسخ أو تصوير أو تسجيل

☐ أي جزء من هذا الكتاب بأي وسيلة كانت

إلا بعد الحصول على موافقة كتابية من الناشر



الغربة نضالٌ بلا سجون ولا قمع

قصائد

سهام عبد الرزاق الجابري

شكر وتقدير

لا يسعني إلا أن أتقدم بجزيل الشكر والتقدير للقاص
الروائي العراقي "هيثم نافل والي" على كل الجهود التي
بذلها ويبدلها من أجلنا نحن أبناء جلدته... من أجل تراثنا
وحفظ ثقافتنا، وفننا، وسعادتنا.

سهام عبد الرزاق الجابري

الْغُرْبَةُ نِضَالٌ إِبْلًا سِجُونٌ وَلَا قَمْعٌ

دَوْمُهُ الْغُرْبَةُ نِضَالٌ

إِبْلًا سِجُونٌ وَلَا قَمْعٌ

وَأَشْوَاقُ الْمَشَاعِرِ لَا يَحْدَهُ

قَيْدٌ أَبَدًا لَا مَنَعَ

تَظَلُّ كُلُّ ذِكْرِي تَنَادِي غَفْلٌ

أَعِيشْ وَيَاهَا وَيُصَبِّ الدَّمْعُ

سَنِينَ الْبُعْدِ عَنِ الْوَطَنِ

مَلَّتِ الرُّوحُ أَبَدًا مَا تَسْكُتُ وَلَا تَهْجَعُ

تَنُوحُ تَتَوَسَّلُ... وَتَصْرَخُ

أُرِيدُنِ لِلْوَطَنِ... أَرْجَعُ

حُبِّهِ...صُبْغَهُ إِبْدَمِّي...

و بشرِيَانَهُ...يَتَوَزَّع

شوكي إلى دِجَلَةٍ ما يَنُوصِف

من إِتْنَاغِي السِّمَا وانجومه التِّلْمَع

وَصَدَى نَاى اليِسُولِف شوك

واضِيعَن مَوْت...بأَحْلَامِي

إِهْمَتَاهَات...السَّمْع

وأَذُوب وياها مِثْل وَجَةِ النار

بَخِيط...ويذوب...الشَّمْع

مِثْل وَحْشَةِ الغَرْبَةِ... ما شِفَتْ

أَصْعَب... ولا أَبْشَع

إِلَيَّ ما جَرَب الهِجْرَةَ

حَكَّهُ... مَيَصِدِك إِذَا... يَسْمَع

لأنَّ الوَطَنَ... الوَطَنَ
موأهو ضرس التلّف
ترتاح من اتروح إله... تقلّع
ولاأهو... ثوب إتمّله
وإتقرّر... تعوفّه وتنزّع
الوطن... اهو جلدك غطّ جسمك
شلون... يصير إله تخلّع؟؟
وهو السّتر والعِزّة... وهويّة
وكبرياء... بظّله... نترعرع
تاريخ الأجداد الوطن يضل
دومه يسندك... أبد ما توّكّع
يا إلهي... إبسط أمانك عالعراق
حتى لأحضان الوطن... نرجّع

حتى إشفافي هم... نذرت عدد بوسات
على حدود الوطن... تطبع
أكيد بالأمان... وتحت سكف عراقه
أظن من نلف الخبزة عالصلة...
ونشرب وراه الماي هم نشبع
ولا دروب المهانة... والتشرد
تبووك... أجيالنه ودوم... نتلوع
ولا دروب المهانة... والتشرد
إتبوك أحفادنه... ودوم نتلوع

• • • •

بالْغُرْبَةِ أَنَا طَال وَعَرَضَ جَرَحِي

بالْغُرْبَةِ أَنَا طَال... طَال وَعَرَضَ جَرَحِي
إِشْلُو بَعْدَ أَكْدَرِ أَلَمِّهِ ؟؟
هَذَا الْجَرَحُ يَنْزِفُ إِبْوَاطَ الْكَلْبِ !!
مَا يَنْجِمُ وَاللَّهُ أَلَمَهُ !!
كُلُّ لَحْظَةٍ أَحْبَابِي إِكْبَالِي... وَالْجَرَحُ شَوْكِي يَلْجِمُهُ !
يَا شَوْكِي مَا يَنْوَصِفُ ! لَوْ أَمَلِي مَجْمُوعَةٌ كَتَبَ
جِلْمَهُ... إِعْلَهُ جِلْمَهُ !!
وَأَنَا أَكْتُبُ إِبْدَامَ الْحَمَرِ عَيْنِي التَّهْمَلَهُ
الْغُرْبَةُ... نَارٌ... نَارٌ كَبِيرَةٌ كُلَّمَا تَذَلَّ بِهَا حَطَبٌ
سَرَعَهُ تَلْهَمَهُ
وَالْحَطَبُ... مِنْ صَحْتِي وَاعْصَابِي غَضَبٌ
كُلُّ سَاعَةٍ أَقْدَمَهُ

هُوَ... هذا... هذا كَلْبِي أَنَّهُ إِشِيدِيَّه...

حتى لو تَرَم اللَّحَم بيدي أَثَرَمَه !!
هَم أَطْعَمَه لِأَحِبُّهُمْ لُكَمَه... لُكَمَه
هَم أَطْعَمَه لِأَحِبُّهُمْ لُكَمَه... لُكَمَه

• • • •

حبیبتی مشتاقه روحی الی زیارة مرقدج، لکنه عني بعيد

الطارش لولایة نادیه غَرَب من إبعید
حبیبة أُمج...

الطارش لولایتج نودَه یا ندامَه غَرَب من إبعید
رایح المشوار الفَرَح رایح وَلَجٍ مَّهَّ سَعید
وانا مَکَدَر أَطْلُبُ وانحَشِرْ وَمَکَدَر أَکول أَن إشارید
وَأُهم یدرون دَرِیج مَنشَمُر نودَه !! وَعَلَّیه إبعید !!
ویدرون مَلهُوَقَه روحی لِزیارَتِج
وکل یوم انا أَشکی وازید
الله... الله یَلعَنج یا بَغداد آه... والدَرَب ا البَعيد
الله... الله یادیرة ندى ! و... وإزیارة العید !!!

دوم احسد طيورالعرجت صوب الجنوب إهي وترد
دوم اريدن شوفتج وأمرد... بروحي مرد
حالي مثل حال ام وكد واحد عبرته والثاني بعد
حالي مثل حال أم وكد واحد عبرته والثاني بعد

• • • •

ارجع للوطن ارجع

الْبُعْدَ عَنِ بَيْتِي أَتَعْبَنِي... أُرِيدُنَ لِلْوَطَنِ أَرْجَعُ
أَحْسُ حُبَّ الْوَطَنِ بِالدَّمِ وَبِشِرْيَانِهِ يَتَوَزَّعُ
يُوصَلُ الْحَدَّ الْكُلُّب... وَبِنَصِّهِ يَتَرَبَّعُ
شَفِيتَ الْعَيْنَ... دَوْمَ إِبْلَا سَبَبَ تَدْمَعُ
وَمِنْ وَحْشَةِ الْغُرْبَةِ...

لَكَيْتَ الرُّوحَ أَبَدَ مَا تَسْكُتُ وَتَهْجَعُ
كُلَّ وَكْتِي أَصْبِرْهُ... نُوْبَهُ انْصَحْ وَنُوْبَهُ أَرْدَعُ !
تَبْجِي إِتْصِيح... أُرِيدُ أَرْجَعُ... أُرِيدُ أَرْجَعُ
بِلَادِ الرَّافِدِينَ اللَّهُ ! أَحِبْ مَايَهُ... أَحِبْ نَجْوَمَهُ التِّلْمَعُ
مِنْ أَرْجَعُ... حَتَّى شَفَافِي هَمَّ نَذَرْتُ...
عَدَدَ بَوَسَاتٍ عَلَى تَرَابِ الْوَطَنِ تَطْبَعُ !

والله... والله...

إلي ما جَرَبَ الغُرْبَةَ حَقَّه مَيَّصِدِكَ إِذَا يَسْمَعُ !
أنا مثل ذَلَّةِ الغُرْبَةِ ما شِفَتْ أَصْعَبَ وَلَا أَبْشَعَ !
لأن لو جَلَجَلَ عَلَيْكَ الليل...

شعور الوَحْشَةِ راح إيصير بَعْدَ أَفْطَحَ
لأن الوَطْنَ... الوَطْنَ...

مو أهو سِنِ التَّلَفِ... وترتاح من إتروح إله تَقْلَعُ
ولا إهو ثوب التَّمَلُّهِ... إتَقَرَّرَ إترَكَّهُ... وتنزَعُ
الوَطْنَ... جِلْدَكَ، غِطَّهُ جِسْمَكَ... هَلْ يُمَكِّنُ إله تَخْلَعُ؟؟
يا إنسان... سترَكَ دُومَ إهو بَيْتَكَ من تفرج

لاتتعاَفَهُ تَدَلَّعَ

تحت سَكْفِ الوَطَنِ مِنْ نِلْفِ الخَبْزَةِ على البَصْلَةِ
هَمَّ نَشْبَعُ

ولا بالغُرْبَةِ تَضِيْعُ أولادَنه وأحفادهم... ودوم نَتْلَوْعُ !
ولا بالغُرْبَةِ تَضِيْعُ أولادَنه وأحفادهم... ودوم نَتْلَوْعُ !

• • • •

مِنو كال مات الوطن ؟

مِنو كال مات الوطن ؟؟ وَأَنْتَهِى الْقَسَام ؟؟
وَقَرَحْنَا بِالْوَطَنِ الْجَدِيد ؟
إِلَّيَّ خَالِي مِنْ الدَفْنِ ، وَمِنْ الْعَاطِفَةِ...
فَقَطَّ الثَّلُوجَ أَكْوَامَ ، أَكْوَامَ
وَتُوبَهُ... ثُوبَهُ كَأَبَهُ وَحِزْنَ مِنْ رَأْسِهِ لِلْأَقْدَامِ
هُوَ الْوَطَنُ الْجَدِيدَ لَوْ مِثْلَ الْعِرَاقِ ؟؟
إِشْعَجَبَ يَهْجُرُونَهُ هَلْهُ ؟
وَهُوَ لَا حُرُوبَ وَلَا عُنْفٍ... وَلَا طُغَاةَ أَقْزَامَ ؟ ؟
يَا نَدَامَةً... أَسْكِمُو... أَصْبَحْنَا بِالْقُطْبِ... أَسْكِمُو
هَذَا إِلَّيَّ قَرَأْنَاهُ فِي الْكُتُبِ... أَسْكِمُو تَجَرُّهُمْ
بَدِيلَ الْخَيْلِ... شَدُّوا عَلَيْهَا لِحَامَ

بِالْوَطَنِ الْجَدِيدِ؛ السَّوِيدِ... إندور بِأَقْفَاصِ الشَّقَقِ
وَنَجْرٍ... وَنَاتِ الْحَمَامِ !!
عَلَى حَدَائِقِنَا الْوَسْعَةِ إِلَيَّ أَصْبَحْتَ حِلْمٌ مِنَ الْأَحْلَامِ
حُبُّ الْوَطَنِ الْعِرَاقِ... وَاجِبُ الْأُمِّ الْأَصِيلَةِ
هُوَ إِتْعَلَّمَهُ لِأَطْفَالِهَا... مِنْذُ الْفِطَامِ
وَتَعَلَّمَهُ يَرْسُمُ نَخْلٍ... وَيَمْدُ الْجِذُورِ
وَتَرَبُّطُ الْمَوْضُوعِ بِالْدِينِ... وَأَجْدَادَهُ الْكِرَامِ
وَقَرَوَاهُكَ يَمَارِي... إِبْقَمِ الْبَطْلَ
أَحْلَى... وَأَنْقَى كَلَامِ
إِتْعَلَّمَهُ عَلَى تَرْدِيدِهَا بِكُلِّ الْحِرْصِ
بَعْدَ إِتِّمَامِ الطَّعَامِ
هَذَا دِينُهُ... يَحْمِيهِ وَيَحْفَظُهُ
وَيُبْعِدُهُ عَنْ كُلِّ حَرَامِ
حَتَّى يَشِبَّ الْبَطْلُ عَزِيزُ النَّفْسِ
لَا يَنْدَلُّ... وَلَا يَنْضَامُ

العراق صحيح ناسه إتْلَوْنَت
وصارت أقسام... أقسام
لكن باقي يَحْتَضِن نهرين عالين المَقام
وماي صافي وعَذِب... صافي وعَذِب
مهما تَمُر أعوام... وأعوام
بلاد الرافدين... بَلَد الجميع
يُمَثِل شموخه وعِزته ورَمَز للإقدام
إِذَنْ مَنكول مات الوطن ، وانتهى القَسَام...
ونَفَرَح ببلاد مَهْجَر السويد
خالي من الدِفئ ، ومن العاطِفَة...
فَقَط الثُلُوج أَكْوام ، أَكْوام

• • • •

زينب وإيلان وحيدر الغرکان

الله من ظلم السياسي
الله من عَدَرَ الزَّمان
ما أَكْثَرَ شهداء الوطن...
من المعارك والخطُف
وسالوْفَة... الغرَّكان
زَيْنَبُ الشَّهيدة وحيدر
والرضيع إيلان
زينب عروسة حلوة
حلوة شطب ريحان
شعرها السرح
أسود ليل يلعب إبهيدَه

إِعْلَ وجه الماي
رَد للجرِف فَشْلان
تَلْكَاه الجُرْف...
مِتَأْسِف وَخَجْلان
وَجْفن عيونها الوسْعَة
إِمْعَبَه بِالرْمَل مَلِيَّان
وَحِيدِر يَضْحَكْلَه الهوى
رَكَب... موج الموت
رايح للأمان !!
بَعْد مَشوار
جَشْتَه طَفَحَتْ غَرْكان
وَرَوْحَه الحلوَه أَتَرْفَرْف
إِبْنَفْس المَكان

مَنْ عَمَتَ عَيْنُ أُمَّهُمْ عَلَيْهِمْ
مَا دَرَّتْ طَبْعُ الْبَحَرِ
عَدَّارَ مَا مِنْهُ أَمَانٌ...

شُمَرُهُمْ عَالِشَوَاطِي... الْحَمْدُ لِلَّهِ وَالشُّكْرَانِ
مَا بَلَعَتْهُمْ الْحَيَاتَانِ
وَتَسْتَمِرُّ الْجَثَثُ إِتْرَدُّمَ بِالصَّخُورِ
لَكِنْ إِيَّا بُلْدَانِ؟؟

وَتَضِلُّ لَحْمَ جَاهِزٍ لِلضَّوَارِي
وَتَنْهَشُ بِيَهُمُ الْغُرَبَّانِ !!
وَيَضِلُّ يَسْأَلُ سِيَاسِيْنَهُ الْجَبَّانِ
إِشْجَابُرُهُمْ عَلَى الْمُرِّ؟؟
مَا يَحْسُ هُوَ الْأَمْرُ مِنْهُ؟؟
وَجُوعٌ وَضِيَاعٌ وَخَيْمٌ
وَفَقْدَانُ الْأَمَانِ !!!

وإنت يا سياسي...
ماهمك مآسي الشعب...
ولا زينب وحيدر والرضيع إيلان...
العجيبه !! الغريب أحن منك عليهم
صاحب ضمير ويسعف الغرکان
ملفوفة بالعلم توصل جثثهم إلك
وإنت يا ناقص الغيرة
مبتشر قرحان !!
حمایه...وقاط... ورباط
وبوتك الروغان !!
معقوله نسيت الماضي ؟؟
وجوعك والضياع ؟؟
وگعدت الحصران ؟؟

لكن فاقد الشيء لا يُعطيه أبد
هاذي حقيقه
وأنتم البرهان

نهبتوا القوت من قم الفقير
العراق إبخيراته أغنى بلد
أصبح عل الحديد !!
بالديون اليوم عركان !!
بوك وفساد وحرمنه
والفخر للبرلمان !!

• • • •

يا عراق إنت عُمرِي

يا وطن إنت عُمرِي الفات
والجاي كُلّه إلّلي ما اعرفّه بَعْد
إنت حبيّي الما أُغيرّه للأبد
إنت زهوّة دِنيّتي... وإنت لي أكبر سند
إنت حديقة ناسهه شدة ورد
مهما تُمرّ سنين عُربة...
تبقى إنت عيونه وأجمَل بلد
يا عراق... حُضنك الواسع حُضن عَرَب وكرد
مِن عِمّت عينه إلّلي إجانّه وصابنه بعين الحَسَد
يا حبيبي... وين كُلّ ذاك حَنانك ؟
ليش من عدنه بَعْد ؟؟
وينه خُبرة بلدنه... إلّلي أحلى مِن الشّهْد ؟؟

عُكْبَ عَيْنِكَ يَا الْعَزِيزَ...

يَا حَسَافَهُ إِطْشَرَيْنَهُ وَرَاحَ كُلِّ وَاحِدٍ بَلَدٍ
وَيَا حَسَافَهُ ضَاعَ مُسْتَقْبَلُهُ بِتَنَهُ وَضَاعَ وَيَاهَا الْوَلَدُ
وَإِفْخَاحَتْ كُلُّ الْأَصَالَةِ إِلَيَّ إِيْتَعَلَمَهَا طِفْلَانَهُ مِنَ الْمَهْدِ
هَمْ تَدُورُ سَنِينَهُ ؟؟ وَلِعِرَاقْنَهُ إِحْنَهُ نَرِدُ ؟؟
وَنَنْعَمُ إِبْخِيرَاتَهُ ؟ وَبَجَوَهُ الْحَلُو ؟
شَمْسٌ وَدَفُو ؟ مَطَرٌ وَرَعْدٌ ؟
إِنْ شَاءَ اللَّهُ... إِنْ شَاءَ اللَّهُ...
رُوحِي إِلَيَّ تَرِدُ... رُوحِي إِلَيَّ تَرِدُ

• • • •

بالْغُرْبَةِ يَسْمُونِي الْعِرَاقِي أَنِي

عِرَاقِي أَنِي... عِرَاقِي أَنِي...
مِنْ غَمِّ الزَّمَانِ إِهْنَاهُ دَبَانِي
نَعَمْ... عِرَاقِي أَنِي...
أَفْخَرُ بِإِنْتِمَائِي... وَفَخَرِ عِنَوَانِي
إِنْتَ إِصْعَدْتَ عَلَيَّ أَكْتَافَ الْعِرَاقِي...
وَصَرْتَ إِنْوَبَ سَجَّانِي
لَكَ ! دَوْمَ إِعْرَاقْنَهْ إِمْعَزَّب...
لِإِبْنِ عَمَّان... وَالْمَصْرِي... وَالسُّودَانِي
وَمُضِيْفِي ؟ مُضِيْفِي عَامِرٍ بِأَهْلَهْ...
وَدَوْمِي إِمَشْكَلَهْ إِرْدَانِي
أَنَا دَوْمِي عَزِيزِ إِبْنِ أَهْلِي وَبَيْنَ خِلَائِي
وَحُبِّ أَرْضِ الْوُطْنِ... يَسْرِي بِشِرْيَانِي

الحين كل ساعه يعتني الشوك...

وأغرك موت بأحزاني

يوميه ألوم الروح أنا إشجابني... إشجابني؟؟

وأشعر بحق الوطن من إبعدت... والله أنا الجاني

للآن مع ذلة الغربة إهناه... يظل الدمع بعيوني

تعيانه من وحشتي... وأبد... أبد ما تغمض جفوني

أنا إبين أحبابي أريدن دوم... أشوفنهم... يشوفوني

إذا أتعب يعينوني... وإذا امرض يداووني

مو مثل الغرب... بعراقيتي يعيرونني

إن شاء الله ترد تشرق شمسنه... ونرجع للوطن ثاني

إن شاء الله ترد تشرق شمسنه... ونرجع للوطن ثاني

• • • •

لا لِخُوةِ الزَّمنِ في بلدانِ المهجرِ

زَمانَكَ لا تُؤمِّنُ لَهُ يومَ خاواكَ
ولا... لا تَظنُّهُ يومَ ضيقِ يَصبَحُ أخو وياكَ
لأنَّ الزَّمنَ ما دام لأحد... حتَّى يَظلَّ صاحِبَ دُومِ وياكَ
الزَّمنَ...

الزَّمنَ ما هوَ أخوكَ وإبنَ عَمِّكَ ؛ يَصونُكَ دُومِ يَراعَكَ
الزَّمنَ غَدَّارَ مَنعولٍ على غَفَلِهِ يَبطَحُكَ عُبنُ يَبلَاكَ
وعلى غَفَلِهِ يَبيثُ سُمومَ حَيَّة...
وتَظَلُّ أنتِ تَجَرِّ الآخَ عالاخِ
يَعنِي إنْتَ تَريدُ عَونَهُ ؟؟ إَترِيدُ أَخاكَ ؟ ؟
والعَجيبةُ ! بِسرعةِ الرِّيحِ هوَ اليَجيبيكَ... جاك... جاك !!
مو مِثْلَ صَديقِ السَّوءِ !! مِن تَتَعَبُ إِمورَكَ
بَعْدَ ما يَركُضُ وراكِ

أخوك حزام ظَهَرَكَ... سَاعِدَكَ يَمَنَّاكَ
هُوَ أَحلى وَأغلى دُخْرُ صَوْنِهِ... هُوَ فَرَحَتَكَ دِنْيَاكَ
حَلَوَةٌ... حَلَوَةٌ لَمَّةُ الْإِخْوَانِ...
أخوك إِلَيَّ يُوَدِّكَ يَفْرَحُ إِهْمَلْكَ
فَزَمَانُكَ لَا تَمُنُّ لَهُ يَوْمَ خَاوَاكَ
وَلَا تَظْنَهُ يَوْمَ عَوُوزِهِ يَصْبَحُ سَاعِدَكَ يَمَنَّاكَ

• • • •

أتمنى الزمان يصير يندار

أتمنى الزمان يصير يندار
وأكو إجناحات إليّ وبيهن أفر الكون واندار
إلى ذاك الزمان... طيبه ومحنه إزغار واكبار
الصور واضحة دوم تضحك لا يغطيها الغبار
بعيداً عن المحابة... وأخلاق الإنحدار
نحو البعاد من الفرقة كأنما تفصلها البحار
من أجواء الغربة... علاقات مترديه كعواصف الأمطار
ترى العوائل تبعد عن بعضها... كأنما في حالة فرار!!
علاقاتها مهمشة... ليس لها من قرار
لماذا علاقاتها مهمشة... ليس لها من قرار؟؟

• • • •

لن أنسى أعياداً في بلادي

لن أنسى أعياداً في بلادي
بصحبة أهلي... والأصدقاء
والنجوم الساطعات في السماء
بعيداً عن الغربَة والغُرباء
في ليلة عيد
هناك زينة وكعكة... وشموع
تُضيئُ وجهَ الأحفاد والأبناء
حولَ مائدة تزهو بألوان العصائرِ
والحلوى... وأشهى أنواع الشواء
تسودها... دوماً أنغام
الضحكات... والضوضاء

وَتَجَازِبُ حُلَا الْحَدِيثِ... بِفَرَحٍ
يَطُوفُ فِي الْأَرْجَاءِ
يَرَسُمُ السَّعَادَةَ فِي حَدَقَاتِ عَيُونِ
الْأُمَهَاتِ وَالْآبَاءِ
وهنا... ما أحلى الأمهات...
في خشوعِ الدُّعَاءِ وكلماتِ الرِّجَاءِ
تَرْفَعُهَا الْأَكْفُ الطَّاهِرَاتُ
إِلَى أَعْنَانِ السَّمَاءِ
فَتَطْمَئِنُّ النِّفُوسُ لِعُمُقِ الْمَشَاعِرِ
وَجَمَالَ الْأَلْفَةِ... بِلَا رِيَاءِ
أَسْأَلُكُمْ... فِي بِلَادِ الْغَرْبِ...
أَيْنَ نَحْنُ مِنْ تِلْكَ الْأَجْوَاءِ ؟
وَالهَجْرَةُ اللَّعِينَةُ... مَزَقَّتِ الْعَوَائِلَ إِلَى أَشْلَاءِ
تَصَارَعُ الظُّرُوفَ مِنْ أَجْلِ الْبَقَاءِ

في بلدانٍ اختلفت بها اللهجاتُ
والأعرافُ وألوانُ الولاءِ
فليت الزمانَ يرحمنا ويصبحُ عيدَ
لَمَّ شَمَلِ الأحياءِ
بعيداً عن وحشةِ الغربةِ وسردِ الذكرياتِ
في سكونِ ساعاتِ النهارِ وصمتِ المساءِ

• • • •

مَعْقُولَه نَنسَى الْوَطَن ؟ وَنَرْتَا ح فَدْ يَوْم ؟

مَعْقُولَه نَنسَى الْوَطَن

وَنَرْتَا ح... نَرْتَا ح فَدْ يَوْم ؟

وَمَحَارِي الذِّكْرِيَّات ؟

وَصُورِ الْإِلْبُوم ؟ ؟

تَاخِذْنَه بَعِيد وَغُفْل

وَإِتْزِيد الْهَمُوم

وَيَخَيِّم الْحَزْنَ عَالِرُوح

شَبَه لَيْلَه شَتَه وَزُود الْغِيُوم

وَتَضِل الْعِيُونَ تَمَطَّر دَمْع

وَتَحَارِب النُّوم

التعب ياخذ حصته !!
والجثف ما بيه شيل إهدوم
مثل روج اليعت إبطفل
ما يعرف إيعوم
وحشة الغربة شبه ذلّة يتيم
الدوم مهموم
لان يصبح النقص والعوز والحرمان
دوم إله توم
العجيبه !! حتى لو فرح اليتيم
الفرح ميدوم !!
الزمن حطم مجاذيفه من الصغر
بطل بعد ميعوم
النفس في وحشة الغربة متعبه
والروح دوم إتهوم

شُبّه طير البراري

انشوّقه دوم إيحوم إنشوّقه دوم إيحوم

فمعقوله نسي الوطن؟؟ ونرتاح قد يوم؟؟

• • • •

بناتي حبيباتي غُلطانة أنا وإبَعَدت

يَمَّه... يا بَعَدَ رُوحِي وعُمري

غُلطانة أنا مِن إِبَعَدتْ،

وَإِنطِيتْجَن بالليل ظَهري !!

لأن مِن فارَكْتَجَن ما غُمَضَ جِفني أَبَدَ

بَس دَمعي يَجري...

يَمَّه... ما شَفِتَ وَاللَّهِ راحَه وَغَصِيتي دُومي إِبَصَدري

لأن زادت إِسْهام الفِراكِ النايَمَه مِن سَنين يا يَمَّه إِبْظَهري

الآن رَجَعَن مِن جَدِيد إِيْمَلِخَن... إِباقِي عُمري

هُوَ آني إِتَحَطَمَت مِن إِبَعَدتْ !!

وإِبحالتي بَس اللهُ يَدري

حبيباتي... خيمه آني جنت إلكم أبدأ ما نسيت

أطفالكم إترید حجري...

غيرنا ما عدكم أحد والله أدري

لكن هو مغصوبة غفلة إتصرفت... إتصرفت

كوني أصبحت ريشه إهمب الريح تجري !

يا روح روحي... خلص دمعني وخلص صبري

ما بقالي غير شعري

عزيزاتي أريدكم دوم أنه إشبديّه...

محبتيكم والحنين مع دم شرياني يسري

يا بعد روحي وعمري... غلطانه يمه ، وأعتذر...

لأن ابعدت غفله إبليل صوب العذاب ودمعني يجري

• • • •

حبیبتي أنتِ رفیقی ابغرتي

یا اُم دیرم... وحنة... وکل...
یا بعد روحی...
انتِ إضماڊي والأمل
وبلسم إجروحي...
حبیبة روحی...
راحن عیونی من البجی والجار ملّ نوحی...
إبدونج ظلمه دنیتي...
یاؤل وآخر أفراحيیییییی !!
یا اُم دیرم... وحنة... وکل...
الطیور طارت من وکت
وحطت علی رؤوس الارماحي !!
وآنه بعد ریشي زغب وصابني...إریاحي !!

يا لحبيبة ! وعلى غفله هاجمني زماني...
وگصص جناحي!!
ولج... ولج إشلون بعد أكدر أطيّر؟؟
وصرت ريشه إمهب ريح...
آخ... آخ !! نوبات أنا أهجع...
وأضيع واسولف إلروحيلي...
إيه !! هاي دنيّه والزمن أبد ما منه أمان!!
إيشرح الصاحب !! ويرشله ملح... وهو على اللوح...
لكن الحمد لله!!
دوم الصبر إخفف آلامي ويشل إليّ جروحي
اهناه... يا أم ديرم... وحنة... وكحل...
يا بعد... روعي !

• • • •

تلعب بي الأشواق وتحتدمُ

(إلى ابنتي في العراق)

حبيبتي ، عندما تلعب بي الأشواق وتحتدمُ
وتلحُ عليَ مشاعري كثيرا وتزدحمُ !!
ويصبحُ قلبي كجرفِ بحرٍ... به الأمواجُ ترتطمُ
فَيَخْفِقُ هذا القلبُ كجناحِ طَيرٍ بوصفكِ يترنمُ
فعندها يهجرُ جفوني الوسنُ... وينهزمُ
هنا أعجزُ عن وصفِ مشاعري... ولا يعبرُ القلمُ
فأهْبُ إلى الهاتِفِ ملهوفَةً والكلماتُ في ذهني تزدحمُ
لكن عند سماع صوتكِ ... ينعقدُ لساني
الذي بحبك دوماً مُفعمُ
حبيبتي رغداء ؟
صوتكِ هذا عند أذني ! لكني ارتبكُ ولا أفهمُ ؟

فيترك ذلك في نفسي تَعَب... وكدم
وبعد حين أنفردُ مع نفسي... ويأخذني الندمُ
فأردُّ دُ كلماتي في صمتٍ يحرقني الشوقُ والألمُ
فأجرفُ الدمعَ ساخناً ! كأنهما من الخدين ينتقمُ !!
وتصبحُ أعصابي حطباءَ بها النيرانُ تلتهمُ !!
بعدها تمرّ الساعاتُ بطيئةً كأنهما إلى أيامٍ تنقسمُ

• • • •

لم يضمها تراب الوطن الحبيب

أهلي الأعزاء... أحبائي جميعاً
أكتب لكم مشاعري والحزن والحسرة تخنقني...
لسماع هذا الخبر المفجع الذي هزَّ كياننا...
ونحن بعيدين كل البعد عنكم...
أهلنا وناسنا...
وما أحوجنا لكم ومشاركتم أحزانكم بهذا المصاب الجلل.
فلفقيدتنا الغالية الرحمة والغفران...
ولأهلها وزوجها والعائلة وكافة أهل الصبر والسلوان

على بختج... على بختج يا مها...
ريضي... رَيضي... إشمعِجِجِ يمه... وتركضين...
الوالد... الوالدِ يلَهَجِ إبِاسمِجِ يالحنينه
ونحبته إتهدم الحياطين...
يعني قررتي الرحيل... وما تردين...

وصوت أُمج... وبتج التصرّخ...
بَعَدَتِ يا لعزيزة... وما تسمعين...
مامه... مامه... ولج مِه...
بعد إلمن الديمه... إهي تشكي وتكول...
يا... يا مها... بتج عُكْبُ عِينج
تضيع بدروب اليتم...
واليتم دُل ومهانة يضل دوم ستاره مسدول
ياالعزيزة...

دَم عَلِيج الدَمعِ يَجري
وجانون وسط الروح مَشعول
ياالحديثه... عَمّه رَحِيلج حيل يوجع...
وبغربتنه يَمْلِخنه البَجِي وبحركه نَجول
الله... الله أكبر... على الوَسعَه إَطْشَرينَه...
هذا الزَمَن غَدَار مَنعول
هُوَ إحنَه إشبدينَه... عساها إِبَخَت

مِنْ ضَيْعَانَهُ إِبْعَالَمِ الْمَجْهُولُ
يَا لَهَا إِسْمُجِ غَزَالَهُ يَا الْحَبِيبَةَ...
مِحْتَارِ الْقَلَمِ شِيَوْصَفِجِ لِلْوَرَقِ... شِيَكُول...
يَحْلُوهُ... يَلْلِي طُولِجِ سِيَسِيَانَهُ
وَجِسْم... مَفْتُول...
وَالْوَجْه... الْوَجْه... الْوَجْه فَلَعَتِ كُمَرِ
وَالشَّعَر... الشَّعَر... الشَّعَرِ اسْوَدَ لَيْلِ
إِعْلَ الْجِتْفِ مَهْدُول...
يَعِينِجِ عَيْنِ رِيْمَهُ وَالْهَدَبِ...
مِنْ الْبَارِي مَكْحُولِ
الْحَوَاجِبِ يَحْلُوهُ... عَالَجِبِينَ
إِهْلَالِ مَشْتُولِ
مَهَاوِي... يَا مَحْلَى الشَّفَايِفِ
لُونِ الْوَرْدِ جُورِي...
وَالْحَجِي... الْحَجِي إِمْعَدَلِ وَمَعْسُوُولِ
يَا حَسَافَهُ شَبَابِجُ دَنِيْتِجِ...

يَلَلِي رَحَلَتِ غَفْلَ سَاعَاتِ الْفَجْرِ
لِلْأَظْلَمِ الْمَقْفُولِ...

هَلَجَ... هَلَجَ... نَاسِجَ نِيرَانِ تَلْهَبَ
وَجُرُوحِ أُمَجَ... إِجْرُوحَ كَلْفَهُ
هِيَهَاتَ... هِيَهَاتَ... إِهْيَ تَشْفَى وَتَزُولُ
هِيَهَاتَ إِهْيَ تَشْفَى وَتَزُولُ.

• • • •

ذاك مَنْ ذاك الوفي إبهذا الزمان

ذاك مَنْ ذاك الوفي إبهذا الزمن

للطيب جاز

دومه بس ينهي قضيته

ينزوي ياخذل إجازة

نسه... سرعه نسه حد الوقه

ولا يوم جازه

نسه من جان يتعبله إبالم

يركض ركض... دامي القدم

ابد ما تعرف شفاقه غير جلمات النعم

تلعب لحن وأحلى... نغم

عند الوفي ، جملة نعم وألف صار

دومه أكبر قسم

والثقة مرسومة على وجهه رسم

المعروف : الوفي يبقى وفي
ورايته إترَفِرْ علو سارة عَلم
يصمَد إِبِوَجِه المواقِف
ما إتهزّه... وينهزم
جَبَل شامخ ، ما تهده كُـل عواصف
يوم غفله وينهدم
دومه يبقى... سيف للحق
غير قابل لِلّوي وما يَنْثِلِم
البشر إبغير هذا ما يحصل
بَس ملامه وحجي الدَم
وتضل الحياة
أكبر مدرسه واحسن مُعَلِم
من غير سبوره ورحله
بدون أوراق أو قَلَم
والمشاهد صور دنيه
عبر... وأمثال... وحكم
عبر... وأمثال... وحكم

زفاف ورحيل وجرح أم لم يندمل أبداً

يا حسافة على غفلة !!

ضَيَّعْتَ أَحلى عروسة من العَروسات

عِدْهُ مِنَ الغزال عيون وسعات

الشعر لونه سواد الليل إهُوَ طَرَكَات طَرَكَات

تشوقه يركض ينحدر لو تمشي بس خطوات

طول العروسة حلو وحلوة اللَّفَتَات

من إرَحَلْتُ شَرَبْتُ المُرْ أنا... كاسات كاسات

والبجي وصفة دوه... ست وسبع مرات

من تبدي تحل المدرسة أدور عليه وَيَّ المَعلَماَت

ومن أشوف زَقَّة عرس ! اتخيلْهُ أنا بين العَروسات

لا... لا تلو موني... سَنة وشهور من إتمَهَلْتُ وبرُكُع

وبدلات

وصينية الحنَّه إكبالهه... وأغصان يابسات
والله تصلح يقصتهه فيلم إعرضه الفضائية وعربسات
تصلح القصه فيلم إعرضه الفضائية وعربسات

• • • •

يوم ميلاد وذكرى رحيل

حبيبتى اسولف الصورة زَفَتِج...

نودَه يَمَه... والدمع مهلول

وحسرات ما تنتهي... وألم مُرّ

دوم ستاره مَسَدول

يللي طولج سيسبانه وجسم مفتول

الوجه فلعة كُمر والشعر اسود ليل مهذول

الحواجب عالجيين اهلل مشتول

يعينج ! عين ريمه والهدب من ربّه مكحول

الشفافيف لون الورد جوري... والحجي امعدل

ومعسول

حبيبة أمج... شنسولف من ابلاد الغرب، وشنكول ؟؟

المفروض كانت ليلة تهاني وفرح ودفو... وسراج

مشعول

مو رحيل ابليلة شته... للأغبر المقفول

ويلوني... المصابيح أصبحت شاعر و مذهبول...

حبيبة روحي... صحيح انه ابعدت عنج غصّب

لكن بقت نيران كلبى اموجره... وجروحه تدي...

ما أظن تشفى وتزول

والله صرت كل تسع من كانون ثاني ! ١ يمه ؟؟

أضيع الدلال ساعات الغروب...

والكاه يسطر شعر ابدمع العين مشغول

مع شوكة... وحنانه اللي ايورد ابشريانه... على طوول

يا حسافه... شمري زماني عنج بعيد اهو غدار منعوول

يا ربي... ليلة رحيل ؟

لكن لا زيارة ولا ياس وبخور ، ولا شمع مشعول ؟؟

وأكيد يمه... عمت عيب امج عليج...

هم خيم عليج الكصب

والشوك... والعاكول ؟؟

وهم أكيد انت تنظريني وتعتبين؟؟

هُوَ أَنَّهُ اشْبَدَّيَّهْ؟؟

عساها ابخت من ضيعانه إبعالم المجهوول

والله يمه... نوبات من شوكي إلج أتمنه امشي المسافه

مشي شبر إيشبر...

وساعات أتمنه أكو إجنحات إلي...وبسرعه بيهن أفر

وأصل اديارج غفل !

من الغربة خلص صبري وخلص وياه العمر

خلص صبري وخلص وياه العمر.

• • • • •

الجنة تحت قَدَم كل أم دوم للجنة مَمَر

الجنة تحت قَدَم كل أم دوم للجنة مَمَر...
لأن الأم بكل مَخاض تشوف الموت بعيونَه
وآدم بو الفَرَج... يسعِفُه صَبْر !!
لكن العجيبَه هَمَّ تُعاود... أبد متحاول تفر !!
ولهذا تنوصف كُل أم بِأشجع وأغرب أجناس البشر
وَمِن الغَرَابَةِ !! لو جاع الرضيع
الثدي لَحَظَّتْهَا عند أمه يَدِر !!
وَكُل أم تُحَنِّب عاطفل ساعات ليل
تُهَدِّدُ لَهُ عالجِر !!
لكن هل تشكي النعاس ؟؟
أو تشكي آلام الظهر ؟؟

ثُمَّ... الأُم عندما يَتَعَرَّضُ صَناها لِأَيِّ خَطرٍ
مِن إِبْعِيد ! على غَفْلَةٍ تَضطَرِب ! وتَقَلِّقُ تَنَدَمُ !!

هذا الشعور هو إِيحاء... لماذا ؟؟
لأنَّ عِلاقَةَ الأُم إِبْوَكَدَهه... شَريانَها وحبل المَسَر
ولهذا دُوم مِن يَبْعِد صَناها... صَناها
تَشوَف الويل... الويل ونَجووم الظُّهر
تَعيش حيرة شوكُ وآهات ودمع
وَدَلالَها... مِثْل الكِزازَه يَنكِسِر !!
ولهذا تَحْتَ قَدَم كل أُم هَناكَ لِلجَنَه مَمَر

• • • • •

رموز الفساد وزمرة الطُغيان

تحية مندائية مباركة للجميع
أشارك حشود المتظاهرين في ساحة التحرير
للجمعة الثالثة...
وبهتافاتهم الحماسية الرائعة
التي تجسد مطالب الشعب للحصول على حقوقهم
المسلوبة من قبل أناس لا ذمة لهم ولا ضمير.

اليوم ...

ثورة على جيوب الفساد

وثورة عالطغيان

ثورة على رؤوس الأفاعي

وكومة الحيتان

يا أصحاب المبادئ والقيم

يا صاحب الإيمان...

ذَبَحُوا الْعَدْلَ عَقْدَ مِنَ الزَّمَنِ
وَبَكَّتُوا كَفَّةَ الْمِيزَانِ !!
إِنهَبُوا أَمْوَالَ الشَّعْبِ
وَالشَّعْبُ حَافِي وَجِيئَكَ الْمَلِكِيَانِ !!
يَلِّئِي إِسْمَكَ بَرَكْمَانِي...
وَنَائِمِ إِبْعَمَانُ !!
وَإِبْنَكَ يَا وَزِير... سَنِينَ بِلَادِ الْغَرْبِ
دَائِح... لَاهِي وَسَلْوَان !!
وَإِبْنَ الْفَقِير !! يَلْوَعُ دَوْمَهُ
مِنَ الْجُوعِ وَالْحَرَمَانِ
يَا بَايَعِ ضَمِيرَكَ ... يَا رَخِيصَ الشَّانِ
كَافِي... كَافِي مِنَ الظُّلْمِ وَالْحَرَمَانِ
كَافِي مِنَ الطُّغْيَانِ...

يَا فاسد... يا سياسي...
ليش إنت إبقصر أخضر...
والفقير إمهتلف وعريان...
تَحْت خيمه إملخه...
لا سَكُف... لا حيطان...
مع المَد والجَزَر...
والعوز والآه... والنقصان !!!
يا رموز الفساد وجوكة الجِرذان...
ولكُم... تاهت ملايين الأرامل
والأيتام إتلود بالكتمان !!!
غطاها دوم الكرامة... والصبر
إبلا رعاية ولا ضَمان !!!
دوم العراقية تتحمل مآسي
صامدة ابوجه الصعاب !!!
مو فقط هسه... لا من ذاك الزَمان !!!

عاشت حروب القادسية وهَمَّ الخَلِيج
وحرب إيران.

يا فاسد يا سياسي...
إشلون تظلم من جديد...
وترد تسجد إتصلي وتطلبُ الغُفران...

هذه الأيام ثورة !!!
وعلى غفلة يجوز يصدر
رقم واحد من بيان !!!
والحكومة... لا عين التشوف
ولا صوت واصل للأذان.

• • • •

عَفِيَّةُ وَطَن

عَفِيَّةُ وَطَنٍ تَتَحَمَّلُ وَتَلْهَمُ صَبْرَ

مَنْ اسْنَيْنِ مِنْ غَصْبِنَ عَلَيْكَ

إِرْحَاكَ تَطْحَنَ إِبْنَاكَ طَحْنِ

هُوَ إِنْتَ إِشْبِدِيكَ ؟؟

دُومِ النَّارِ مَا تَحْرِكُ إِلَّا رِجْلَ وَاطِيَةٍ

وَجَمْرَكَ إِمَوْجَرَ بَسَ إِلَّكَ يَجُويكَ

خَوِيكَ يَزِيدُ النَّارَ إِلَّكَ

أَبَدَ مِيحَاوِلَ يَطْفِيكَ

يَا حَسَافَةَ يَا عِرَاقَ

إِتْلُوعَ طُولِ الْوَكْتِ... تَصْرَخُ وَتَرْدُ لَوْرَهُ

مَحَدَ يَلْتَفِتُ ، وَيَكْلِكَ إِشْبِيكَ ؟؟

ويشَل جروح الخَزَنَت
ويَضْمَدُه... ويدَاويك ؟؟
من ابلاد غربه ؟؟ هو شيفيد أحمر دمع
من نبجي عليك ؟؟
ونكثّر بالدعاء تعبر المحنة وتوصل
إلى بر الأمان الباري يحميك
لكن... ما درينه أنواع المآسي
من جديد إترد عليك
وصراعات الكراسي باقية
إتجيبك... إتوديك
إتفوج إبروج عالي من الكوارث
دخانُه... يعميك
تركض وتتألم وقبل ما توكّع
تكثّر سجاجين التدميك

وزادت إرماح...الغدر ابحقدهه

إتنيشن...إتصوب عليك

يا شعب يا مظلوم؟؟

تايه إبنص الدرب وين اليدليك؟؟

يا شعب يا مظلوم؟؟

ضايح ابنص الدرب منهو اليدليك.

• • • •

يا عراق يا شوكه بعيون العدى

يا وطن... يا أرض الحضارة
ومسلة حمورابي ميزان العدل
يا... فرات ودجلة وشواطئها
ونسمة الغروب إبهيل وكرنفل
يا ه... يا شوكه بعيون العدو
وترابه... لعيوني كحل
والله... لو خيروني مملك الكون
إبشِر من أرضه... فلا أبدل...
يا عراق...
يا ساحة وغى ومهرته... تصهل

دوم بصوت عالي... للمبادئ والقيم
ولا درب التراجع... يوم تندل
العراقي...

نخوة وشهامة... وما يطخ الراس
ما يحمل العيلة... وأبد ما يندل
دومه يعبر المحنة والشدايد
ودوبه... للجرف يوصل

إنوب يبدي... من جديد
نطاقه... سنين ما ينحل

وتتخن جروح الأرامل والأيتام
صوب جبهات القتال دمعهم حمر يهمل
تشهد صور السواتر وسوايف الذكريات
ونجمة... إسهيل

وتدري أسرار "المملّحه" بأعماقه
كم شاب ضمت... حلو إمدل
ملهوف على لبس... خاتم خطوبة
يا حسافة... ويحكم إبشهر العسل
وشهداء أرض الحرام...
يا ندامة... غطتهم من اسنين كثمان الرمل
وكم مفقود...
مولحت عين أمه عليه وما وصل...
وهي على فراش الرحيل
تأمل تشوقه... وهم بعد عدهه أمل
تأمل تشوقه... وهم بعد عدهه أمل

• • • •

ناس تزرع حقد وناس تزرع طيب

إهناه ببلاد الغرب...

ناس تزرع حقد

وناس تزرع طيب

ناس طبع الحمل...

وناس طبع الذيب

الذيب طبعه شرس !!

جرحه أبد... أبد ما يطيب

دوم الحقد يزرع لُغم

غير التعب والتفرقه شيجيب ؟؟

يسري على الأولاد والأحفاد

لأن دوم الحقد عن الذهن ما يغيب !

يا حسافة على الأبناء...

تاخذهم دروب الحقد

ويظل كل واحد على حده غريب

إتضيع بسنين الأحقاد أعمارهم

وتصبح مريضه نفوسهم أبد... أبد

ما تعرف محبة... ولا حبيب

لأن يتركوهم يعيشون إبصراعات وحرب

والوضع؟؟ طبعاً الوضع دومه كئيب

يا ندامه ! إبسواليف التفرقه والإنفصال

نجني على أحفاده... وهذا إبحد ذاته أهو أكبر ذنب

وهذا إبحد ذاته أهو أكبر ذنب

• • • •

يَدِ وَحْدَةٍ مَا تَصَفُّكَ

يَدِ وَحْدَةٍ مَا تَصَفُّكَ

وَصَوْتِ وَاحِدٍ مَا يَفِيدُ

صَاحِبِ غَفْلَةٍ إِطْشَرِيْنَه

وَأَصْبَحَ الْمَعْبَرِ بَعِيدِ

وَالْمَشَاكِلِ ... كَارِثَةٍ

يُظْهِرُهَا عِنْوَانُ الْبَرِيدِ

يَا حَسَافَةً ؟؟

عَلَى غَفْلَةٍ ... هَذَا يَرْفَعُ ذَاكَ يَكْبِسُ

أَوْ يَبْدِي مَشْوَارَ الرَّعِيدِ

وَإِنْعِيشِ حَالَةَ قَلْقِ

تَهْدِيدِ أَوْ وَعِيدِ

بَيْنَمَا رُوحَ الطَّلَاقِ
يَاخُذُ الْأَبْنَاءَ وَالْأَحْفَادَ يَوْمِيهِ بَعِيدِ
أَصْبَحَ عَمِيقٌ... الْجَرَحِ
مَا يَرَأْفُ بِالْإِيدِ
وَإِبْلَاوَعِي كُلِّ مُهَاجِرِ
يَدْعِي دَوْمَهُ سَعِيدِ
عِمَانَهُ دَخَانَ الْمَظَاهِرِ
وَأَبَدُ مَا نَنْظُرُ بَعِيدِ
كُلَّ الْأُمُورِ تَمْشِي عَكْسِ
وَمِنْ الْجُهْدِ نَحْتَاجُ الْمَزِيدِ
الْمَفْرُوضِ نَشِيجِ كُلِّ إِدِينِهِ
ابْسِرْعَهُ نَبْدِي مِنْ جَدِيدِ
لَا لَا إِدْكُولَ أَنَّهُ... إِشْعَلِيهِ
كُؤْلُ هُوَ أَنْتَ إِشْتَرِيدِ

المفروض إنَّعِدَ طريقَ الخير
بالرَّأي السَّديد

حتى نيران الحقد والتفرقه
ما تلتهم أحفاده من بعد
عُمرٍ مديد

ولا ننسه... إذا تعبَ جذر النخل
السَّعف سرعه يتحول جريد

حطب جاهز... ونار ما تشبع أبد
دوم تاخذ ما تريد

وبالنهاية إنشؤه التاريخ
وإنضى الوطن اللى إترابه
إنروه إبدَم الشهيد

• • • •

منو فتح باب الوطن للداعشي؟

منو فتح باب الوطن للداعشي ؟

وصاح الّه : اتَفَضَّلْ

ومَه دَلّه الطريق ابليل

للموصل عَقْل يَحْتَلْ

يخاين للوطن؟

وَلَك داعش يذبح يَغْتَصِب

وانت دوم اعلّ كَيْفَه ياحسافه

اتَخَطَط... اتَفَصَّل

وانت تعرفه زين امَحَمَل بالاحقاد

امَخْبَل... امرَعَبَل

يَظْفُر باللحي... قَرَحان

عَنْ بَغْلَه فلا يَنْزِل

انت يخاين للشعب
وَلَك من النذل أنذل
العراقية الأصيلّة... وقاصرة
بأسواق النخاسة باعها وبدل
وجنابك دسّت الورد بالرجلين
حتى اتشوّه المَشْتَل؟
لأن جِدم الردي... غير الخسّة والنذالة
أبد ما تندل!
هم تَضن عين الشمس تغفل
يغمضه الغربال... والمنخل؟
حتماً يصير الصبح ومن تشرق شمس
أبراج الثلج تنحل
يا زارع حقد
غير الشر أبد ما يحصد المنجل
يللي صورَه من ذاك الزمان
انت يسمونك عراقي أكبر حرام

يَلِي ما تسوّه العَتَب والورق
وامداد الأقلام... اشلون الّك عين وتنام
وآلاف الشباب اتدبّحت
وملايين العوائل تنكسر تنضام
يا بايع ضميرك؟ هُوَ انت اتريد ترجع من جديد
وبعد ما طابت جراحاتك والآلام
ولا نسينه حشرات الأرامل
ودموع الأيتام
ومآسي الأمهات
وعذابات السجون
وحملة الإعدام
مقابرهم جماعية ضيّعته الكاع منهم
وضاعت الأرقام
ضاعت الأرقام

• • • •

يا وطني أين المفر؟

يا حبيبي يا وطن... أين المفر؟؟
وجرحك كبر... ما يفيدده لا خيوط ولا إبر
والكوليرا... داء يحصد بالبشر
وأين المفر؟؟
من الموت ، والتهديد ، وأنواع النحر؟
ونشوف النفر بالتفخيخ يتناثر ... وذر
والشعب ، الشعب محتار بأمره يشرب المُر
عايش الذل و المهانة... وضع ما منه مفر
النازح خيمته بالصحراء ، اضحتله كبر
أيام الشته الخيم... الخيم تتحول شراع ابنص بحر
وكل المناطق بندقية... ابلا شوارع لا جسر
لأن لا صرف صحي... لا طمر
والحكومة يا حسافه لاهية... تلعب الجقه، وشبر

والسياسي يلوح بالمحابس، من عقيقٍ ومن شذر
واسم العراق بين التشرد والفقر ضاع اندمر
من اسنين... بين الزجاجة والعنق راح انحسر
ويا حسافه... انوب هجرة هجرة، هجرة ابلوكت الغبر
كل شاب شد اجناح الوهم... وبسرعة فر
والكارثة... السياسي امجلب بالكروسي الاكشر

• • • •

إلى أين نحن وأنت ياعراقي؟

إلى أين نحن وأنت ياعراقي ؟
بلد الرافدين... في حدقات العيون رسمك
وحبك تحت شغاف القلب... باقي
يناغي الروح دوما... بهمس بعيداً عن المحابة
ولعب بنود ميثاق
حبيبي... كلما زادت سنوات غربتي
تزيد معها لوعتي... وعذاباتي... واشتياقي
الفؤاد ملثاع... يمزقه الحنين دوما
وتدميه لمدة... طعنات الفراق
استقي الصبر على ماض... قاذني
إلى حدود... ومرارة لا تطاق
فالإمتى يا مهد ميلادي وحضن ذكرياتي
أعيش الغربة... باحترافي؟؟

وأنا أرى قطار الحياة... بدى مسرعاً
يشوب صفيره... حشجة اختناقي
يسأل المحطات... بتأني... وحيرة... ولهفة
دوماً... عن زمن التلاقي
بالوطن عسى ثراه... يضمني بجانب من رحلوا
ولا زال جرحهم... ينزف بأعماقي
تراني حين تعصف بي مشاعر وحشة الغربة
ويهزني بعنف... ألم الفراق
تركض... تركض أنفاسي بشدة ، ولوعة ، وآهة حسرة
لا يمكنني... بها اللحاق
فتصرخ نفسي بعنف: إلى متى أبكيك يا وطني؟؟
وابكيهم رفاقي.؟؟
وحين لا أجد جواباً دائماً
أمسح دموعاً بللت أوراقي
لأن الحياة علّمتني درساً رائعاً...
أن لا أسمح لليأس باختراقي
وكسر مجاذيفي عنوتا على عقب

لذلتى... وإغراقي
لذا ألملم أحزاني...
وأزرع في ذهني أملاً
لشموخ العراقِ
سوف يطلُّ علينا بنوره... كهلال عيد
يزيح عتمة ليل المحاقِ
بعد موتِ صراعات الكراسي
وذوبان لغة التحزب... والنفاقِ
ذوبان لغة التحزب... والنفاقِ

• • • •

الشعر خطر طول الليل

هو الشعر خطر... خطر طول الليل
خطر... ليليه يحضر... غفل
ابلا إذن... ولا تحية... ولا سلام
يعبر على أوتار الكلب
ليليه... يعبر غصب
ابلا تاني... ولا نظام
يضل ايسولف أوي الروح... ابهيده
ابهيده... حد وي الفجر
ايسولف... أنواع الكلام
الشعر... الشعر داء يلعب بالمشاعر
وابسرة... تغلي... وتندمر
لأنه غفلة ينطلق... شبه السهام

كلمات الشعر... طبع خيط الشمع
الشمع... من تلوحه النار... يذوب صاحبه
وهم... ينتهي عند الختام
اتركه... اتركه يذوب صاحبه
المهم... يتكلم ويعبر
ولا يتحول... حطام
نوبات الشعر... ينتفض...
شبه السيف من يرفض الذله
يوم... ينضام
يؤدي واجبه... ويرد بكرابه... ينام
ابكل ثقة... وكل احترام
والغربة بالشعر
من تكتمل كلماته و تنصاغ... يهدا صاحبه
يهدا ويرتاح... كانوا في حضرة إمام
هناك لكل كاتب شعر
تحت الوسادة... دوم مضام
يضم مجموعة أوراق... وأنواع الأقلام

مسكين... مسكين الورق كل لحظة يتملخ غصب
لكن يضل القلم... صاحب وفيّ
يحفظ الأسرار... ويسمع باهتمام
وتضل الوساده دوم... تشكي من الشعر
لإن إذا صاحبها... واعى
ابد... أبد ما تركد... ولا اتنام
فياريت... ياريت الشعر... ينصلح
ينصلح... ويغير... الدوام
حتى الذهن... الذهن يرتاح
والجفن... الجفن يغمض... والعيون اتنام
والجفن يغمض... والعيون اتنام

• • • •

دلالي من يشتاق

دلالي من يشتاق...
يهيم... يهيم ايسولف...الوحدة
من يهزه الشوك غفلة
وياخذه... يرده
يعوف القفص وايطير
لوح الضلع ما فديوم... رده
شوكة... شوكة على جناحه دوم
والشعر... الشعر عنوانه وبريده
يجول... يجول امحاري الذكريات
وسواليف الجذرت بأعماق شريانه... أو ريده
وأضيع... أضيع أنا وياه غفل
تاخذني غصب نيران القصيدة
واتورث ... اتورث الأقلام

وتلهب... أوراق الجريدة
اهناه غيمة مشاعر وحشة الغربه
تفتح جروح الغريب ودومه اتزیده
تفتح جروح الغريب ودومه اتزیده

• • • •

الهور و الخريط و الذكريات و الأمناني

إن شاء الله... يشفى العراق الوطن
ويرد يضحك... يضحك الهور الجففه... الهدام
ويفتخر... يفتخر باقي القصب... ناي الجنوب
اللاحه... الإعدام
وتصفق له البطات... وأنواع الطيور
خضيري... والمسكة دوم حرة... للإمام
وبعون الله ترد تلعب الفاله اتناغي الكطان... والشبوط
والبني لون الذهب... أجود أنواع الطعام
وترد سفراتنه إلى هور الجنوب
وتصوير المناظر... بأجمل الأفلام
وصوغة الهور للأحباب... خريط التمر
طيب مذاقه... على طعمه يا سلام

أمنيات في وحشة الغربه
لا يمكن التعبير عنها... بالكلام
هي قسوة تجارب... ما تنحسب بأرقام
لكن تضل ذكريات الوطن دوم ناقوس ايفرز... الآلام
وتفرز قصائد شعر على غفلة
تنزل ... عالورق... تدونها الأقلام
حبرها دمع العين
هي الضحية... دوم تسهر ما تنام
وتضل الروح ملهوفة... تعبانه
تدميها... أسياط الهيام
تدميها... أسياط الهيام

٢٠٠٥

• • • •

التصحر في نص شعري

دوماً... دوماً أعيش تصحراً... لأشهرِ
وأيام... عديدة
إلا... إذا مرّ موقف وبرمحه
يشرخ أعماق أعماقي... البعيدة
ترى مشاعري المتأزمة فوراً
تنسج... أبيات قصيدة
حينها... إذا عزّ الورق... ينتخي ساعدي
أو شغاف قلبي... أدوّن عليه بلهفة... ما أريده
حيث يمتثل شريانه... قلماً
والمداد الأحمر... من وريده
هنا لوحشة الغربة... إطاراً من الحزن... والألم
سمكه... سمكه دوماً... في. زيادة

ومع كل هذا... بكل سهولة تهدم العلاقات
إن وجدت... بأسلوب البلادة
من قبل أناس... تمزقهم الأحقاد
نعم الأحقاد... بلا هوادة
تدفعهم لزرع الفرقة ... من حولهم
في مشاوير... زهيدة
لتضيف إلى وحشة الغربة إطاراً
من الحزن والألم ... سمكه دوماً في زيادة
سمكه دوماً في زيادة

• • • •

دمع اليتامى صار للخبزة غموس

وينك انت... يا سياسي يللي اصرخت ابوجه الظلم
اجيت... اخدم هاي ناسي؟؟
والشعب ما شاف... منكم
غير التشردد... والمآسي
الظاهر انتم فقط اجيتوا
على تقسيم... المناصب والكراسي
يا سياسي... يا عضو بالبرلمان؟؟
انت تلعب... بالأملاك... بالفلوس
والشعب جوعان... حافي
تاركه... ياكل سبوس
يا حسافه... مدثور... بيوت الصفيح
بالتسول... جرب أنواع الدروس

من سنين... عماه دخان الحطب
والشمع... وأللاله... الفانوس
وطن يضم... ملايين الأرامل والأيتام
امكمطه ابعوز... ونقص... متحوس
ظلت عايشة... ابضل المزابل
والدمع... الدمع دوم للخبرة غموس
والبرلمان... البرلمان ساحة معارك... بعد ساعة
يشتغل تفخيخ... ظلام النفوس
اهناك أكوام الجثث... أطفال
غركانه ابدم... ابلاي روس
واهناه مجموعة شباب المذبحة
وعلى الرصيف... جثة حديثة عروس
والعجيبة... الكتل تحضر موائد بيها ما لذ وطاب
يسودها... امحاضن... وبوس
بالإعلام هذا... سنّي... وذاك شيعي
هذا... جاسوس... ومجووس

لكن المعروف بالبلدان يحدث التغير
إذا كان الحكم ظالم... والشعب تعبان... ميئوس
حتى يهنا ويرتاح ... مو يضل
يلهم جمر... والصوت محبوس
يا ندامة... يا عراق... الأرض... تنضح ذهب
وناسك دومها... تحت خط الفقر... والحال معكوس
تحت خط الفقر... والحال معكوس

• • • •

وطني الجريح

يا وطني الجريح :
اليوم ... نراك تغلي
وشعبك حطب... للنار
تمزقك كبر الكوارث
التي ليس لها من قرار
احتلال... وتشرذم... وجوع
مع جور الهزيمة... والانكسار
وقيود الدّل ... أدمت معصميك
وتلعب بك عواصف الأقدار

يا حبيبي يا عراق :
سنوات وأنت تصارع
جماعات التسلط... والانشطار

حين نهبوا خيراتك !!!
عبر المصارف... والأسفار
الخزينة خلت من مواردها
سوى مجموعة أصفار
فتباً... تباً لأأيادي نكرة
استحلت... بصمة العار
والمحاكم... اتحادية ترنوا
السارق... والجاني يلوذ بالفرار
ياه... يا عراق... إلى متى... تبقى في سبات؟؟
إلى متى... في نفس المدار؟؟
يا حبيبي يا رفيق غربتي في عتمة ليلي
ووحشة... ساعات النهار
يا حضن ذكرياتي... وأشواقي
ونبض أشعاري
أتمنى ان تنجلي... تلك الغمامة
وتكسر طوق الانهيار

وتهنأ... بتحقيق الأمان
بعيداً عن الصبر... وكاسات المزار
بعيداً عن الصبر... وكاسات المزار

• • • •

تعالوا نكسر هالصمت وانشيع الخوف

تعالو نكسر هالصمت... وانشيع الخوف
وليش الخوف... ليش الخوف؟؟
لاحظوا... لسان الشعر... ينجر نجر
ويعادل سيوف
بينما سلاحه فقط... حبر وورق
ومجموعة... حروف
ليش من كلام الصدك
ياخذنه... الخوف؟؟
هو ما يكص الراس غير الركبة
وهذا... مثل معروف
صحيح الحقيقه دوم مرة
وما يجرع... بعض الناس تغمض ابد... متشوف

لكن الساكت عن الحق شيطان اخرس
عقابه دنيا... وآخرة... بكل شرع هذايطوف
كيف نتخلص من الخوف؟؟
من تصرخ... ابوجه الظلم
وجرحك... اتروف
المفروض... المفروض
في موقف صراحة وصدق ترفض الذلة
وتصبح عزيز النفس... متبوس الجفوف
لأن يصحى ضميرك... غفل ويخلع
يخلع ثياب الكذب... البها ملفوف
تعالوا نكسر هالصمت وندفن الخوف
بالغربة... أصبح حاميه حراميه
ناطور ساعات النهار... وليله كله ايجول
يا حسافة... من ضاع وطن الأم بالهجرة
ضيعنا المبادئ... ونرد ننعل الغربة... والظروف
غش... و خداع... وكذب
والخجل... الخجل محذوف

هذي حقيقة... شبه عين الشمس الأبد ما تنضم
فكافي... كافي نفاق ووهم... كافي سكوت وخوف
كافي نفاق ووهم... كافي سكوت وخوف

• • • •

ابهجرتي كلبى يطشر؟

اشمدريني ابهجرتي كلبى... يطشر؟
ثلث اهنأ يتعذب.... وثلثين عند الأحباب اهنأك يدمر
حتى... حتى بالحلم هذا الكلب
هم يقصد... ويشعر
أريدهم... أريدهم... أنه اشبديه.؟؟
انا اتمنى... امحيط وأسبح... وأعبر
وروحى... روحى تتمنه القفص
حتى سرعة... تفتح الباب... وتفر
لأن من ابعدت... أحس حياي خارطة
حدودها... طعنات خنجر
بها... صحارى... والرمل يذر... ذر
وبها نهر... جرفه صخر... و والمأى دوم من الصبر
وطعمه ممر... ممر مثل الزهر

بانتظاري مليت أنا مليت من هذا
مشت كل سيني... غُربه ووحشة... واندمر
ودوم عيني... على الدرب دوم
هو اشبقالي من عمر حتى اصطر؟؟
مليت ...أنا مليت كل ساعه ألوم
ألوم... الروح... مع هذا القدر
هو اشمدريني ...اشمدريني ابهجرتي كلبي يطشر؟؟

• • • •

ديوان أهلنا في ميسان

السيد نزار الجابري شخصية ميسانية أصيلة... عطاؤه لا
ينضب لعمل الخير... ذو طباع اجتماعية رائعة... شبَّ
متفهماً لكل جوانب الحياة... ولهذا يتمتع ببعْد نظر لنتائج
جميع المواقف ليعالجها بكل حكمة... مع قيامه بواجب
الضيافة على أكمل وجه، في بيته العامر الذي أطلق
عليه... ديوان أهلنا في ميسان... الذي ضمت وصفه هذه
القصيدة الشعبية... بكل صدق...

أبو حسين... نزار الجابري...
دومه ابفسيح الدار... مفروشه مدات
واموزع عليها... امخاد صوف... املونات... امطرزات
والمعزب... صدر ديوان... تملي شفافه... الضحكات
نذر نفسه إلى خير الطائفه اميسان... وحل الخلافات
بعد حل المشكلة... والتراضي... والسلامات
ينحمل زاده... ابصواني... إكبار... وسعات

أنواع سمك الهور... وبرياني أم البيت... محشيه بطات
معروف ابن ميسان... صاحب ها الصفات
ابن العزوية... وكرم جده الزامل... أبد ما مات
جانونهم للضيف... دومه مندوي
وهاونهم... يرن. موسيقه... رنة مندوي
للخير دوماً ينتخون
والحك يردونه الهله والصوت عدهم مندوي
الحك يردونه الهله والصوت عدهم مندوي

١٩٩٣

• • • •

من بلاد الغربية على أمي أنادي

أمي... حجب وسط شرياني
يغذي الدم
أمي أحتاج لك بغربتي
لأن الزمن... الزمن أبد ما يرحم
وحشة الغربية يمه... نار كبره
والدمع ما ينضم
أمي صورتج تحت الوسادة
ليلية أنا... الصدري أضمه... ضم
أسامرها ابحنية... ابهيدة
أظنها... تسمع... وتفهم
وتشاركني... وتنسيني... تنسيني
الأم... والهم
أمي... دومي أحضن الفوطة
بيها. ريحتج... أشتم

يسكرني... يسكرني بخورج والعطر
مثل الطفل من مضغة توالي الليل... صعبه ينفطم
الأم دومها... أكبر مدرسة... وأحسن معلم
بدون سبورة ورحلة... وبدون أوراق وقلم
أرقى مدرسة... قاموسها
دروس الحياة... من القدم
والمناهج... صور دنيه
عبر... وأمثال... وحكم
كل أم... المفروض تنشر دروس المحبة
المبادئ... والقيم
وتنبذ... تنبذ دروب النفاق...
وكلام الغيبة... والذم
تنبذ دروب النفاق... وكلام الغيبة و الذم

• • • •

رثاء السيد النشمي في قصيدة

النشمي في سماء الرابطة الثقافة نجماً
لاح بريقه ... في الأفق
يشد بأزره... حزمة
الأقلام... والورق
أملًا... في نبراس نزاهة فكره
يبدد شيئاً من عتمة النفق
لأمة أصابها التشتت وكادت تضيع
تضيع... في زواغير الطُرق
لاحظ أكثر ناسها... حشرت حشرا
ما بين الزجاجة والعنق
لكن النشمي... رحل بهوموه صامتاً
سرعة ... البرق

تاركًا للصرح الفني... وأقلامه

من الحُزن حمم

بركانًا ثائرًا ما لا يصدق

بركانًا ثائرًا ما لا يصدق

• • • •

الطائفة على الوسعة اطشرت

الطائفة على الوسعة اطشرت...
وناسها دوم اب حرب
اشلون لو... تلتتم؟؟
اطشرت على الوسعة... من سنين
والغربة... الغربة عنيفة أبد ما ترحم
بالغربة... البشر من ينجرح
الجرح... أبدا لا يلتتم
يضل ينزف كآبة... وحزن
ما ينزف... الدم
وتبقى... تبقى ذكريات الوطن
ألهذا... الجرح... تلجم
الغريبة... زمان كان الصاحب يفرح... إلى صاحبه
ويضمه... إلى صدره ضم

ابسرعة... يحس ايمحنته
قبل ما يشكي... ويتكلم
ليش اليوم صار العكس؟؟
شجاها الناس... ما نفهم؟؟
دائماً هناك... واحد غفل
يتربص إلى صاحبه... ويتحزم ويهجم
يا حسافة... المشاكل كارثة... اتبدد الآمال
واتضيع... الحلم
يا هلي... صحيح بعدنه عن حضن الوطن... الأم
ويسودنه... حزن... وألم
لكن المفروض المريض... يشرب دوه
حتى لو كان... مرّ عليكم
وبالغربة... دوانه الصبر... وتحت خيمة الدرفش
الدرفش علمنه... إحلى علم
لكي يبقى صوت الطائفة... دوم عالي
ومحترم بين الأمم

وحتى دارتنه... تعيش
وتنحني من الهدم
وتعيش... تعيش دوم أحفادنا... وأجيالها
بعز... وكرامة... وسلم
بعز... وكرامة... وسلم

• • • •

تربية الطفل المندائي في بلدان المهجر

الأم المندائية الاصيلة... واجبها تصبح مدرّسة للدين
صف... وإدارة... منهج وأقلام
الأم الحريصه المفروض... اتوصل الأبناء
إلى شاطئ أمانها... بسلام
دورها... اتحصنه بتربية دينه المندائي
من البداية... من الفطام
لأن معرفة الضنى بأمور الدين
درع... درع يحميه من طعن السهام
اتسولفله اعل الوطن والدين
وتربط الموضوع... بأجداده الكرام
حتى يشب الطفل... عزيز النفس
لا ينذل... ولا ينضام

تربية الأبناء ببلاد الغرب
ليس فقط فرفشة... وطبخ أنواع الطعام
لا... لا، المهم توعية دينية صحيحة... مهمة من البداية
قبل غيرها... من المهام
ابدئي بخطوة أولى ،،، بفرواهك يماري
أحلى جملة ابفم الطفل... وأنقى كلام
علموا... علموا على ترديدها
دوماً... بعد كل وجبة طعام
ثم... عمدوا الأطفال... بماء اليردنا
واسمه الثاني... يحفظه بكل ثقة... وكل احترام
حتى يشعر بالأمان... كل مسيه
كل مسيه... يردد الملوأشه... ويسمي وينام
المفروض... كل عائلة... تلتزم بمظاهر الدين
حتى لا تصبح ضريبة الهجرة للمنداي
هي ضياع الجيل... بدروب الحرام
صحيح الهجرة... حطمت آمالنا
وهدمت... هدمت كل ما بنيته

وشفتوا دخان المظاهر... هالعمانه
خلي نبدي من جديد... ويد وحدة لا تصفق
تعالوا... نشبج كل ادينه
حتى تضحك... من جديد أيامنه
من نقوي الأساس... يرتفع كلش حلو ... بنيانه
ويرجع يزين الياس... كل بيانه
ومهما يدور الزمن... المفروض نبقي نحس
أطفالنه... بأعماقنه... أئمن... وأغلى أمانة
أطفالنه بأعناقنه... أئمن وأغلى أمانة

• • • •

أغلى من الضنى ماكو أبد

والله... والله أغلى من الضنى ماكو أبد
أهو... توم أوي النفس... يصعد يرد
مرة أنا... اقلقت على وحدة من البنات
وليش ما أدري بعد
خلصت كل الليل... أنا وياه انجومه أعد
ها اروح اوي الصبح... ساعه اجسنه... وأرد؟؟
لو أروح اوي الظهر؟؟
لكنه منعول أهو تموز ما يعرف برد
وأنوب... خوفني القلق... أكثر بعد
أتمنى أوصل لها... اشوفه... مثل الورد
آمين... ربي... آمين... كلبي الي يرد
آمين... ربي... آمين... كلبي الي يرد

• • • •

بالغربة طال وعرض جرحي

بالغربة طال... طال وعرض جرحي...
اشلون بعد أكدر أمله...؟؟...
هذا الجرح... ينزف ابوسط الكلب
ما ينحمل والله... أمله
لأن كل لحظة... كل لحظة أحبابي أمامي
والجرح... شوكي اليلجمه
يا شوكي ما ينوصف حتى لو أمني
مجموعة كتب... كلمة... اعلكلمه
وأكتب... أكتب بدمعي الحمر
عيني... عيني التهمله
وحشة الغربة... نار كبره... كبره
نار كلما تقدم لها اكوام الحطب سرعة تلهمه

والحطب... الحطب من صحتي وأعصابي
أنا غصب كل ساعة ... أقدمه
هو هذا... هذا قلبي... إني اشبديه ...؟؟
حتى لو... ثرم اللحم بيدي اثرمه
هم أطعمه... للاحبهم لكمه... لكمه
هم أطعمه... للاحبهم لكمه... لكمه

• • • •



الشاعرة في سطور

- سهام عبد الرزاق زامل الجابري
- شاعرة عراقية من مواليد محافظة ميسان - جنوب العراق.
- خريجة دار المعلمات الابتدائية لسنة ١٩٦٨.
- معلمة متقاعدة.
- في سنة ٩٢ تعرضت لصدمة غيرت مجرى حياتي، حيث الرحيل المفاجئ لابنتها الشابة؛ تلك الصدمة التي كانت سبباً في نظمها للشعر تلقائياً وبكثافة وبكل أنواعه.
- في سنة ١٩٩٣ انتقلت للإقامة في بغداد.
- في سنة ٢٠٠٥ انتقلت إلى الأردن، والتي كانت بمثابة المحطة الأولى للهجرة، وكان لها أثرٌ في تفجر مشاعر الحزن والألم والشوق للوطن.
- سنة ٢٠٠٧ وصلت الى السويد مع عائلتها، حيث تقيم الآن في ستوكهولم.
- كان للغربة ووحشتها شديد التأثير في مسيرتها الشعرية.

- كانت بداياتها مع الشعر في العراق، حيث نشرت أشعارها على صفحات "أفاق مندائية"، ثم مع الشاعر "محمد ارحيمه الطائي" والبث المباشر لبرنامج الشعرى "دردشة" الشاعرة مستمرة بمشاركاتها الفعلية من خلال الندوات الشعرية التي تقيمها جمعية المرأة والجمعيات الأخرى في السويد، كما أنها مستمرة في نشر قصائدها من خلال المجموعات المندائية، ومجلة العهد الأسترالية، وغيرها.

• صدر لها :

- زفاف وحرب ورحيل : ديوان شعر

مؤسسة شمس للنشر والإعلام، القاهرة ٢٠١٦م.

- الغربة نضال بلا سجون ولا قمع : ديوان شعر

مؤسسة شمس للنشر والإعلام، القاهرة ٢٠١٧م.

- لها ديوانان شعريان آخران جاهزان للنشر.

• البريد الإلكتروني: saham.aljabri@yahoo.com

الفهرس

- ٧ الثُغْبَةُ نِضال إبلا سجون ولا قمع
- ١١ بالثُغْبَةُ أنا طال وعَرْض جرحي
- ١٣ حبيبتي مشتاقَة رُوحِي إلى زيارة مرقِـدج
- ١٥ ارجع للوطن ارجع
- ١٧ مِنْو كال مات الوَطَن ؟
- ٢٠ زينب وإيلان وحيدر الغركان
- ٢٥ يا عراق إنت عُمرِي
- ٢٧ بالثُغْبَةُ يسموني العراقي أني
- ٢٩ لا لُخُوَة الزَمَن في بلدان المَهْجَر
- ٣١ أتمنى الزمان يصير يندار
- ٣٢ لن أنسى أعياداً في بلادي
- ٣٥ مَعْقُولُهُ نَنسَى الوطن ؟ ونرتاح فد يوم؟
- ٣٨ بناتي حبيباتي غلطانة أنا وإبَعِدَت
- ٤٠ حبيبتي أنتِ رفيقي ابغرتي
- ٤٢ تلعب بي الأشواق وتحتدمُ
- ٤٤ لم يضمها تراب الوطن الحبيب
- ٤٨ ذاك مَن ذاك الوفي إبهذا الزمان
- ٥٠ زفاف ورحيل وجرح أم لم يندملُ أبداً
- ٥٢ يوم ميلاد وذكرى رحيل
- ٥٥ الجنة تحت قدم كل أم دوم للجنّة ممر

- ٥٧ رموز الفساد وزمرة الطغيان
- ٦١ غفيرة وطن
- ٦٤ يا عراق يا شوكة بعيون العدى
- ٦٧ ناس تزرع حقد وناس تزرع طيب
- ٦٩ يد وحدة ما تصفك
- ٧٢ منو فتح باب الوطن للداعشي؟
- ٧٥ يا وطني أين المفر ؟
- ٧٧ إلى أين نحن وأنت يا عراقي؟
- ٨٠ الشعر خطر طول الليل
- ٨٣ دلالي من يشتاقي
- ٨٥ الهور والخريط والذكريات والأمانى
- ٨٧ التصحر في نص شعري
- ٨٩ دمع اليتامى صار للخبزة غموس
- ٩٢ وطني الجريح
- ٩٥ تعالوا نكسر هالصمت وانشيع الخوف
- ٩٨ ابهجرتي كلبى يطشر؟
- ١٠٠ ديوان أهلنا في ميسان
- ١٠٢ من بلاد الغربية على أمي أنادي
- ١٠٤ رثاء السيد النشمي في قصيدة
- ١٠٦ الطائفة على الوسعة اطشرت
- ١٠٩ تربية الطفل المنداني في بلدان المهجر
- ١١٢ أغلى من الضنى ماكو أبد
- ١١٣ بالغربة طال وعرض جرحي



(+2) 02 27238004 / (+2) 01288890065

[www. shams-group. net](http://www.shams-group.net)